



Sut i gychwyn chwiliad sefydlog

Arweiniad i bobl sydd eisiau gwybod am ystad rhywun sydd wedi marw'n ddiweddar

Beth yw'r Gwasanaeth Profiant?

Mae'r Gwasanaeth Profiant yn rhan o Wasanaeth Llysoedd a Thribiwnlysoedd EM. Mae'n gweinyddu'r system brofiant, sy'n rhoi'r hawl gyfreithiol i bobl i ddelio ag ystad (er enghraifft, arian, meddiannau ac eiddo) unigolyn sydd wedi marw.

Mae'r daflen hon yn rhoi cyngor i chi os ydych am gychwyn chwiliad sefydlog gyda'r Gwasanaeth Profiant.

Os oes gennych unrhyw gwestiynau, cysylltwch â'ch cofrestrfa brofiant leol. Mae'r staff yno i'ch helpu chi - ond ni chânt roi cyngor cyfreithiol i chi.

Cyflwyniad

Pan fydd unigolyn yn marw, bydd fel arfer yn gadael ystad (yn cynnwys arian, meddiannau ac eiddo) ac weithiau ewyllys.

Er mwyn cael at yr ystad, mae angen i rywun (fel arfer ysgutor a enwir yn yr ewyllys) wneud cais i'r Gwasanaeth Profiant am ddogfen o'r enw Grant Cynrychiolaeth neu 'grant'. Profiant yw'r enw ar y broses hon. Y Gwasanaeth Profiant sy'n gweinyddu ceisiadau am grantiau yng Nghymru a Lloegr.

Os ydych eisiau gwybod am ystad rhywun sydd wedi marw'n ddiweddar, gallwch wneud cais am chwiliad sefydlog.

Pam fod angen chwiliad sefydlog arnaf?

Cynhelir chwiliad sefydlog fel arfer pan fyddwch am wybod a ganiatawyd profiant i ystad yn ddiweddar – neu pan fyddwch yn meddwl y bydd profiant yn cael ei ganiatáu'n fuan ac am gael eich hysbysu pan fydd hynny wedi digwydd.

Er enghraifft, efallai y byddwch am gael eich hysbysu pan fydd grant profiant wedi'i ganiatáu i ystad perthynas sydd wedi marw, oherwydd eich bod yn tybio bod arian wedi'i adael i chi.

Fodd bynnag, os ydych am wybod am ystad rhywun sydd wedi marw 12 mis neu fwy yn ôl, bydd angen i chi gynnal chwiliad cyffredinol. Mae'r cofnodion yn mynd yn ôl i 1858. Cewch fwy o wybodaeth am hyn yn y daflen **PA9 Sut i gychwyn chwiliad cyffredinol**, sydd ar-lein (hmctsformfinder.justice.gov.uk) neu yn eich cofrestrfa brofiant leol.

Beth mae chwiliad sefydlog yn ei olygu?

Byddwn yn archwilio'n cofnodion i weld a wnaethpwyd grant cynrychiolaeth naill ai yn y 12 mis cyn gwneud eich cais neu yn ystod y chwe mis ar ôl i chi wneud eich cais.

Os gwnaethpwyd grant o fewn y 12 mis diwethaf, byddwn yn anfon copi o'r grant a'r ewyllys (os oes un) atoch o fewn pedair wythnos i ni dderbyn y cais.

Sut ydw i'n gofyn am chwiliad sefydlog?

Rhaid i chi llenwi ffurflen **PA1T**, sydd i'w chael o unrhyw Swyddfa Brofiant neu ar-lein yn hmctsformfinder.justice.gov.uk. Fe ddewch o hyd i gyfeiriadau Cofrestrfeydd Profiant hefyd ar ein gwefan.

Os nad ydw i'n gallu llenwi'r ffurflen, pa wybodaeth ddylwn i ei darparu?

Os nad ydych yn gallu llenwi'r ffurflen, byddwch angen y wybodaeth ganlynol:

- Enw llawn yr ymadawedig, ei gyfeiriad parhaol olaf a'i ddyddiad geni.
- Unrhyw enwau eraill yr oedd yr ymadawedig yn cael ei adnabod wrthynt, gan gynnwys yr enw ar y dystysgrif marwolaeth os yw'n wahanol i'r enwau yr ydych eisoes wedi'u rhestru.
- Dyddiad y farwolaeth.

Mwyaf cywir fydd y wybodaeth a ddarparwch, mwyaf tebygol y bydd hi y gallwn ddod o hyd i unrhyw gofnodion sy'n bodoli.

Sicrhewch bod yr holl fanylion yn gywir, fel arall mae'n bosibl na fydd eich chwiliad yn llwyddiannus. Os bu ichi sylweddoli'n ddiweddarach eich bod wedi rhoi manylion anghywir, ysgrifennwch at y gofrestrfa brofiant sy'n delio â'ch chwiliad cyn gynted ag y bo modd gyda'r wybodaeth gywir.

Gallwch bostio'r ffurflen wedi'i llenwi neu fynd â hi yn bersonol i unrhyw Gofrestrfa Brofiant.

Faint mae chwiliad sefydlog yn ei gostio?

Codir ffi o £6 am y gwasanaeth chwilio. Dylid gwneud sieciau'n daladwy i 'Gwasanaeth Llysoedd a Thribiwnlysoedd EM' a dylid ei hanfon gyda'r ffurflen gais.

Beth sy'n digwydd nesaf?

Wedi i ni dderbyn eich cais am chwiliad sefydlog, byddwn yn anfon llythyr atoch i gadarnhau hynny neu, os yw'r grant wedi ei ganiatáu eisoes, byddwn yn anfon copi o'r grant o fewn pedair wythnos i ni dderbyn eich cais. Bydd y llythyr yn nodi'r cyfeirnod a roddwyd i'ch chwiliad sefydlog, a rhaid ei ddyfynnu os byddwch yn cysylltu â ni eto ynglyn â'r chwiliad. Dylech sicrhau bod manylion eich chwiliad sefydlog yn gywir.

Os bydd grant yn cael ei ganiatáu yn ystod y chwe mis nesaf, byddwn yn anfon copi o'r grant atoch (a chopi o'r ewyllys os oes un).

Beth os nad wyf yn derbyn copi o grant?

Os na fyddwch yn derbyn copi o grant cynrychiolaeth o fewn chwe mis, mae'n golygu nad oes grant sy'n cyfateb i'r manylion a ddarparwyd gennych chi wedi'i ganiatáu.

Alla' i adnewyddu fy chwiliad sefydlog?

Gallwch. Gallwch adnewyddu'ch chwiliad sefydlog ym mis olaf y cyfnod chwilio – mewn geiriau eraill, y chweched mis ar ôl i chi wneud eich cais.

I'w adnewyddu, dylech ysgrifennu at y gofrestrfa brofiant sy'n delio â'ch chwiliad, gan ddyfynnu'r cyfeirnod ac enw'r ymadawedig. Bydd angen talu ffi adnewyddu o £6.

Os daw eich chwiliad i ben cyn i chi benderfynu eich bod eisiau'i adnewyddu, bydd angen i chi gychwyn chwiliad sefydlog newydd.

Cysylltiadau defnyddiol

Am wybodaeth gyffredinol am ewyllysiau a phrofiant:

www.direct.gov.uk/death

Am wybodaeth am y Gwasanaeth Profiant, gan gynnwys ffurflenni ar-lein:

hmctsformfinder.justice.gov.uk

I ddod o hyd i gyfeiriadau cofrestrfeydd profiant rhanbarthol:

hmctsformfinder.justice.gov.uk

Ffurflenni a thaflenni Profiant

- PA1 Ffurflen Gais Profiant
- PA1A Ffurflen Gais Profiant (nodiadau canllaw)
- PA2 Sut i gael profiant (taflen)
- PA3 Rhestr ffioedd profiant (taflen)
- PA4 Cyfeiriadur cofrestrfeydd profiant a chanolfannau cyfweld (taflen)
- PA5 A oes angen grant cynrychiolaeth arnaf (profiant neu lythyrau gweinyddu)? (taflen)
- PA6 Beth fydd yn digwydd yn fy nghyfweliad profiant (taflen)
- PA7 Sut i adneuo ewyllys gyda'r Gwasanaeth Profiant (taflen)
- PA7A Tynnu'ch ewyllys allan o'r Brif Gofrestrfa Brofiant (ffurflen)
- PA8 Sut i gofnodi cafeat (taflen)
- PA8A Sut i gofnodi cafeat (ffurflen)
- PA9 Sut i gychwyn chwiliad cyffredinol (taflen)
- PA10 Sut i gychwyn chwiliad sefydlog (taflen)
- PA1S Cais am chwiliad profiant (ffurflen)
- PA1T Cais am Chwiliad Sefydlog (ffurflen)